

Polazeći od Sporazuma o saradnji između Vijeća/Savjeta ministara Bosne i Hercegovine i nevladinog sektora u Bosni i Hercegovini,

zaključaka usvojenih na konferenciji: „Jačanje demokratske kulture dijaloga i saradnje institucija vlasti i civilnog društva u Bosni i Hercegovini – Primjena Sporazuma o saradnji Vijeća ministara Bosni i Hercegovini i NVO sektora u Bosni i Hercegovini“,

sa ciljem podsticanja građanskog aktivizma, dobre uprave i međusektorskog dijaloga i saradnje,

razvoja civilnog društva, tolerantnih i odgovornih zajednica u Bosni i Hercegovini

osnovana je mreža organizacija civilnog društva u Bosni i Hercegovini:

„Sporazum plus“,

koja proglašava

STATUT MREŽE „SPORAZUM PLUS“

PROGLAŠENJE

Član 1.

Mreža „Sporazum plus“ (u daljem tekstu: mreža) je otvorena aktivistička struktura koju čine organizacije i druge asocijacije civilnog društva u Bosni i Hercegovini u cilju stvaranje uslova za kontinuirani razvoj civilnog društva i dobre uprave u Bosni i Hercegovini u skladu sa potvrđenim demokratskim principima i vrijednostima.

OPŠTA REGULACIJA

Član 2.

Ovim Statutom članice Mreže regulišu:

- naziv, simbole, viziju i misiju Mreže;
- teritorijalnu organizaciju Mreže;
- članstvo i unutrašnje odnose u Mreži;
- principe i način djelovanja Mreže;
- način upravljanja Mrežom;
- ostala pitanja od značaja za rad Mreže.

MISIJA

Član 3.

Mreža učestvuje u sveukupnim reformama u Bosni i Hercegovini pružajući podršku uključivanju Bosne i Hercegovine u evroatlanske integracije kroz aktivan međusektorski rad i djelovanje civilnog društva, vlasti i privatnog sektora.

VIZIJA

Član 4.

Bosna i Hercegovina kao otvoreno i demokratsko društvo u kojem predstavnici civilnog društva i vlade, kroz dijalog i partnersku saradnju, rade za dobrobit svih njenih građana i građanki, naroda i nacionalnih grupa.

TERITORIJALNA ORGANIZACIJA MREŽE

Član 5.

Mreža djeluje na prostoru cijele Bosne i Hercegovine.

Mreža pruža podršku umrežavanju na svim nivoima i u svim teritorijalnim, sektorskim, podsektorskim i interesnim okvirima, različitim oblastima rada i djelovanja civilnog društva, u skladu sa zajedničkim vrijednostima, principima i načinima djelovanja izraženim i utvrđenim u aktima Mreže „Sporazum plus“

Mreža saraduje s drugim društvenim akterima u obimu i na način utvrđen programskim i drugim aktima Mreže.

ČLANSTVO

Član 6.

Članstvo u Mreži je otvoreno za sve organizacije civilnog društva, mreže, koalicije i druge tipove asocijacija u Bosni i Hercegovini.

Članom Mreže postaje se potpisivanjem izjave o prihvatanju misije, vizije, vrijednosti, principa djelovanja i osnovnih ciljeva iz Povelje o osnivanju Mreže „Sporazum plus“, Statuta, te drugih dokumenata koji su u Mreži već usvojeni u trenutku potpisivanja izjave.

Članstvo u Mreži podrazumijeva prihvaćanje dostignuća ostvarenih tokom djelovanja koalicije „Raditi i uspjeti zajedno“.

Svaka članica Mreže zadržava samostalnost u radu .

Registar članstva Mreže ažurira i vodi sekretarijat.
Registar članstva je javan i objavljuje se na web stranici mreže.

UNUTRAŠNJI ODNOSI

Član 7.

Unutrašnji odnosi u Mreži zasnivaju se na demokratskim načelima ravnopravnosti, međusobnog uvažavanja, odgovornosti i poštovanja među članicama.

Odnosi među članicama temelje se na dijalogu, uz prihvatanje razlika u mišljenjima i konstruktivnom, sporazumnom rješavanju spornih pitanja.

Članice Mreže su nezavisne u svom djelovanju.

Članice Mreže zadržavaju pravo da samostalno grade i razvijaju odnose partnerstva sa drugim organizacijama i mrežama, partnerstva i dijalog sa vladom na svim nivoima, u skladu sa vlastitom misijom, vizijom i ciljevima i osnovnim vrijednostima i principima Mreže.

PRINCIPI DJELOVANJA

Član 8.

Mreža djeluje kao neformalna aktivistička struktura.

Mreža radi za javno dobro i u interesu svih građanki i građana, naroda i nacionalni grupa u Bosni i Hercegovini.

Rad Mreže je javan.

Mreža saraduje sa drugim društvenim akterima u Bosni i Hercegovini i inostranstvu u skladu sa ciljevima, misijom, vizijom i principima djelovanja izraženim u aktima Mreže.

Mreža ne polaže pravo na ekskluzivno predstavljanje interese cijelokupnog NVO sektora u Bosni i Hercegovini.

PRAVA I OBAVEZE ČLANICA

Član 9.

Članice imaju pravo:

- da doprinose ostvarivanju ciljeva Mreže;
- da daju sugestije i primjedbe na rad organa Mreže;
- da iniciraju izmjene svih akata Mreže;
- da učestvuju u radu organa Mreže;
- da predstavnici članica biraju i budu biran u organe Mreže;
- da predlažu aktivnosti i učestvuju u aktivnostima i skupovima koje organizuje Mreža.

Članice su dužne:

- da poštuju, djeluju i promovišu vrijednosti sadržane u Osnivačkoj povelji i Statutu, dokumentima nastalim tokom djelovanja koalicije „Raditi i uspjeti zajedno“ kao i dokumente i akte usvojene od strane same Mreže;
- da učestvuju u radu organa Mreže preko svojih predstavnika;
- da u aktivnostima Mreže usaglašavaju svoj rad sa drugim članicama Mreže;
- da poštuju odluke Konvencije i izvršavaju druge obaveze koje odredi Konvencija.

ORGANI

Član 10.

Organi Mreže „Sporazum plus“ su:

- Konvencija Mreže,
- Koordinacioni odbor Mreže,
- Sekretarijat Mreže.

KONVENCIJA MREŽE „SPORAZUM PLUS“

Član 11.

Konvencija Mreže „Sporazum plus“ je najviše tijelo odlučivanja u Mreži.

Konvenciju čine sve članice Mreže predstavljene i zastupane po jednom predstavniku/ci organizacije na period od dvije godine.

Konvencija se saziva jednom godišnje.

U okviru svog djelokruga rada, Konvencija:

- ocjenjuje cjelokupno djelovanje Mreže na osnovu godišnjeg izvještaja o radu Koordinacionog odbora Mreže;
- vrši izbor i opoziv članova Koordinacionog odbora i drugih radnih tijela Mreže;
- utvrđuje osnovne smjernice za definisanje politika djelovanja i rukovođenja Mrežom;
- donosi izmjene i dopune svih osnivačkih i strateških akata Mreže;
- usvaja strateški i godišnji program rada elektronskim i pismenim izjašnjanjem u roku koji ne može biti manji od 14 dana i smatra se usvojenim pristankom proste većine članica koje su poslale izjašnjenje u datom roku;
- odlučuje o drugim pitanjima od značaja za rad Mreže.

NAČIN RADA KONVENCIJE

Član 12.

Konvencija radi u redovnom i vanrednom sazivu.

Redovne Konvencije se održavaju jedanput godišnje, a vanredne prema potrebi.

Konvenciju saziva Koordinacioni odbor i njom rukovodi Koordinator/ica Koordinacionog odbora ili njen/njegov zamjenik/ca.

Konvencija donosi odluke prostom većinom prisutnih članova/ica.

Glasanje na Konvenciji može biti javno i tajno o čemu se izjašnjavaju prisutni članovi/ce Konvencije.

Koordinacioni odbor je dužan sazvati vanrednu sjednicu Konvencije:

- na zahtjev najmanje jedne trećine članova/ica Konvencije;
- kada Koordinacioni odbor ocijeni da je zahtjev od opšteg interesa za NVO sektor u Bosni i Hercegovini a podnijela ga je skupina članova/ica koji čine manje od trećine članova/ca Konvencije.

Zahtjev za sazivanje sjednice Konvencije dostavlja se Koordinator/ici Koordinacionog odbora u pisanoj formi, sa obrazloženjem razloga za sazivanje Konvencije i prijedlogom pitanja koja bi se razmatrala.

Na osnovu obrazloženog zahtjeva koordinator/ica Koordinacionog odbora je dužan/na sazvati Konvenciju najkasnije u roku od 15 dana od dana prijema zahtjeva. Isti postupak se sprovodi ako je predmet zahtjeva za sazivanje Konvencije ocijenjen od opšeg interesa za NVO sektor u Bosni i Hercegovini.

Odbijeni zahtjev za sazivanje vanredne Konvencije Koordinacioni odbor pismeno obrazlaže predlagaču.

Ukoliko je predlagač nezadovoljan odgovorom, o zahtjevu se izjašnjavaju članovi/ce Konvencije pisanim ili elektronskim putem.

U ovom slučaju Konvencija će se zakazati najkasnije 15 dana od proteka roka za izjašnjavanje, koji ne može biti kraći od 7 dana, ako se za zahtjev izjasnila prosta većina članova/ica Konvencije koji su poslali svoje izjašnjavanje.

Koordinator/ica Koordinacionog odbora dužan/na je da sačini zapisnik o radu Konvencije i dostavi ga svim članovima/cama u utvrđenom roku.

U radu Konvencije mogu u svojstvu posmatrača učestvovati predstavnici stranih i međunarodnih, vladinih i nevladinih subjekata, kao i predstavnici međunarodne zajednice u Bosni i Hercegovini. Članovi-posmatrači mogu učestvovati u diskusijama na sastancima Konvencije, ali nemaju pravo glasa.

KOORDINACIONI ODBOR

Član 13.

Koordinacioni odbor upravlja Mrežom između dvije Konvencije.
Koordinacioni odbor bira se na period od dvije godine sa mogućnošću reizbora.

Koordinacioni odbor čini 7 članova/ica.

Prijedlog za člana/icu Koordinacionog odbora može podnijeti svaka članica Mreže najmanje 7 dana prije održavanja Konvencije.

Članovi/ce Koordinacionog odbora biraju se tajnim glasanjem za čije provođenje Konvencija bira posebnu Izbornu komisiju. Kandidati/kinje koji dobiju najveći broj glasova ulaze u sastav Koordinacionog odbora.

U slučaju da član/ica Koordinacionog odbora nije u mogućnosti obavljati svoje zadatke, da podnese ostavku ili mandat prestaje iz bilo kog drugog razloga, njegovo mjesto zauzima prvi sa liste kandidata/kinja sa najvećim brojem glasova. U slučaju da takvih nema članstvo KO radi u krnjem sastavu.

Koordinacioni odbor iz reda svojih članova/ica bira koordinatora/cu i dva/dvije zamjenika/ce sa mandatom od 2 godine.

Koordinacioni odbor odlučuje na sastancima. Sastanke Koordinacionog odbora saziva koordinator/ica a u njegovoj/njenoj odsutnosti jedan/na od zamjenika/ca.

Sastanci Koordinacionog odbora održavaju se najmanje jednom u šest (6) mjeseci , a po ukazanoj potrebi i češće.

Koordinacioni odbor dužan je izraditi Poslovnik o radu najkasnije 15 dana od dana osnivanja.

DUŽNOSTI KANDIDATA/KINJA KOORDINACIONOG ODBORA U FAZI KANDIDATURE

Član 14.

Svaki kandidat/kinja za člana Koordinacionog odbora dužan/na je u pismenoj formi predstaviti svoj program rada koji mora biti dostupan svim članicama Mreže najmanje 7 dana prije održavanja Konvencije.

ODGOVORNOSTI KOORDINACIONOG ODBORA

Član 15.

Koordinacioni odbor:

- priprema i saziva Konvenciju;
- provodi konsultacije sa članovima/cama Konvencije;
- prati način realizacije vizije i misije Mreže;
- priprema i predlaže strateški plan i godišnji program rada Mreže u skladu sa prioritetima utvrđenim od strane Konvencije;
- pruža savjete i operativnu podršku koordinatoru/ici u provođenju strateškog plana i operativnog programa rada;
- pokreće postupak izmjene i dopune Statuta, sopstvenom inicijativom ili na prijedlog aktivnih članica Mreže, priprema prijedloge izmjena i dopuna koje predlažu Konvenciji na usvajanje;
- zaprima pristupnice novih članica o pristupanju Mreži „Sporazum plus” i daje ili odbija saglasnost o pristupanju;
- upućuje poziv za prijavu aplikacija vršenja usluga sekretarijata, organizuje selekциони proces zaprimljenih aplikacija i dostavlja prijedlog Konvenciji na usvanje;
- predlaže Konvenciji razrješenje člana/ice Koordinacionog odbora u skladu sa Poslovníkom;
- bira Koordinatora/icu i dva/dvije zamjenika/ce;
- po potrebi imenuje povremena radna tijela/grupe potrebna za rad Mreže;
- izrađuje i dostavlja zapisnik rada Konvencije svim članicama Mreže;
- sačinjava godišnji izvještaj o svom radu i podnosi ga na razmatranje i usvajanje Konvenciji, nadgleda rad sekretarijata i usmjerava rad koordinatora/ice;
- donosi poslovnik o radu Koordinacionog odbora;
- razmatra inicijative članica za organizaciju javnih foruma;
- pruža operativnu podršku članicama pri organizaciji javnih foruma.

Koordinacioni odbor radi i odlučuje prostom većinom prisutnih članova/ica Koordinacionog odbora s tim da ovaj broj ne može biti manji od 8.

Poslovníkom o radu Koordinacionog odbora bliže se reguliše način rada i odlučivanja istog.

KOORDINATOR/ICA KOORDINACIONOG ODBORA

Član 16.

Koordinator/ica Koordinacionog odbora:

- saziva sastanke Koordinacionog odbora i rukovodi njihovim radom;
- ostvaruje kontakte i saradnju s državnim organima i organizacijama i institucijama u zemlji i inostranstvu u skladu sa uputama Koordinacionog odbora;
- potpisuje akta koje donosi Konvencija i Koordinacioni odbor;
- nadgleda implementaciju odluka i zaključaka Konvencije i Koordinacionog odbora;
- brine se o primjeni i sprovođenju Statuta i opštih akata mreže i Koordinacionog odbora;
- raspoložbe sredstvima koja mu dodijeli Koordinacioni odbor;
- podnosi periodični izvještaj članovima/cama Koordinacionog odbora;
- koordinator/ica se stara o redovnom obavještanju članstva Mreže i javnosti o radu i aktivnostima Mreže u pisanom ili elektronskom obliku;
- vrši i druge poslove utvrđene Statutom, Poslovníkom o radu Koordinacionog odbora i drugim dokumentima Konvencije.

KOMISIJA ZA IZBOR ČLANOVA/ICA KOORDINACIONOG ODBORA

Član 17.

Izbornu komisiju za provođenje i nadgledanje postupka izbora članova/ica Koordinacionog odbora imenuje Konvencija na dan održavanja Konvencije.

Komisija ima 5 (pet) članova/ica.

Član/ica Komisije ne može biti kandidatkinja/kandidat za bilo koju funkciju čiji izbor Komisija provodi.

Sekretarijat je obavezni član Komisije.

Komisija:

- utvrđuje listu prijavljenih kandidata;
- objavljuje početak i utvrđuje kraj glasanja;
- provodi proces glasanja;
- objavljuje konačne rezultate glasanja prisutnih članova/ica Konvencije.

U slučaju istog broja glasova zadnje rangiranih kandidata glasanje se ponavlja samo za te kandidate do konačnog izbora ukupnog utvrđenog broja članova/ica Koordinacionog odbora.

USLUGE SEKRETARIJATA

Član 18.

Usluge sekretarijata za potrebe Mreže obavlja jedna od članica po principu rotacije svake dvije godine sa mogućnošću reizbora.

Zainteresovana organizacija za obavljanje usluga sekretarijata dostavlja Koordinacionom odboru svoju aplikaciju najmanje 15 (petnaest) dana prije održavanja Konvencije.

Aplikacija treba sadržavati:

- naziv organizacije;
- broj uposlenih;
- ime i prezime odgovorne i kontakt osobe zaduženih za održavanje web stranice i obavljanje usluga sekretarijata;
- izjavu o spremnosti plaćanja troškova u trajanju dvije godine usluga web-hostinga, firmi koja iznajmljuje domen i prostor za smještaj internet prezentacije kao i e-mail adresa vezanih za dotični domen;
- izjava o spremnosti plaćanja održavanja internet aplikacije firmi koja je napravila web aplikaciju u slučaju potrebe određenih dorada i prepravki;
- Prilikom primopredaje web stranice, po isteku roka obavljanja usluga sekretarijata, organizacija je dužna istu predati bez materijalnih i zakonskih nedostataka;

Organizacija koja obavlja usluge sekretarijata za potrebe Mreže je dužna, u skladu sa uputama Koordinacionog odbora, u vrijeme svog mandata održavati internet prezentaciju ažurnom i ispravnom.

Organizacija koja obavlja usluge sekretarijata obavezno prisustvuje sastancima Koordinacionog odbora.

Organizacija koja obavlja usluge sekretarijata ima pravo da prikuplja sredstva za rad mreže i rad sekretarijata u skladu sa uputama i odobrenjem Koordinacionog odbora mreže.

JAVNI FORUMI

Član 19.

Mreža radi kroz javne forume.

Forumi se zazivaju na pismenu inicijativu 9 članica mreže.

Pripreme i realizaciju rada foruma vrše inicijatori uz podršku Koordinacionog odbora koristeći ime Mreže „Sporazum plus“

Odluke foruma dostavljaju se Koordinacionom odboru, koji putem sekretarijata upoznaje članice Mreže s njima i po potrebi dostavlja utvrđenim subjektima.

Učešće u radu i odluke foruma nisu obevezujuće za članice Mreže.

POSTUPAK IZMJENA I DOPUNA STATUTA

Član 20.

Svaka aktivna članica Mreže može inicirati izmjene i dopune ovog Statuta.

Prijedloge izmjena i dopuna se upućuju pismenim putem Koordinacionom odboru, koji u te svhe odlučuje o opravdanosti prijedloga.

Koordinacioni odbor u slučaju opravdanosti prijedloga, priprema prijedlog izmjena i dopuna Statuta sa obrazloženjem Konvenciji na usvajanje.

Odluku o izmjenama i dopunama donosi Konvencija prostom većinom prisutnih članica Konvencije.

PRELAZNE I ZAVRŠNE ODREDBE

Član 21.

Izuzetak u primjeni članova 13. i 14. ovog Statuta ogleda se u pogledu naziva, načina izbora, broja članova/ica i mandatu izabраниh članova Koordinacionog odbora koji se bira na Osnivačkoj Konvenciji Mreže.

Koordinacioni odbor koji se bira na Osnivačkoj Konvenciji naziva se Prelazni Koordinacioni odbor.

Kandidati za članove Prelaznog Koordinacionog odbora čine jedinstvenu listu od 30 članova.

Listu članova Prelaznog Koordinacionog odbora Konvencija potvrđuje tajnim izjašnjavaњem članica Konvencije.
Mandat članova Prelaznog Koordinacionog odbora je godinu dana od dana izbora.

Član 22.

Ovaj Statut stupa na snagu danom njegovog usvajanja od strane članica Konvencije Mreže „Sporazum plus“ dana:

Sarajevo, 15. 12. 2009. godine